

Broj: UPI/03-23-2-123/14 ND  
Sarajevo, 24.4.2014. godine



Federalno ministarstvo prostornog uređenja, rješavajući po zahtjevu investitora JP RV „Plava voda“ d.o.o. Travnik, sa sjedište u Zenjak bb Travnik, za izdavanje načelnog odobrenja za građenje regionalnog vodovoda „Plava voda“ za vodosnabdijevanje opština: Travnik, Novi Travnik, Vitez, Busovača (Srednjobosanski kanton) i Zenica (Zeničko-dobojski kanton), a na osnovu člana 61. Zakona o prostornom planiranju i korištenju zemljišta na nivou Federacije BiH („Službene novine Federacije BiH“, br. 02/06, 72/07, 32/08, 4/10, 13/10 i 45/10) i člana 200. Zakona o upravnom postupku („Službene novine Federacije BiH“, br. 2/98 i 48/99), donosi

### RJEŠENJE

1. Daje se investitoru JP RV „Plava voda“ d.o.o. Travnik, **NAČELNO ODOBRENJE ZA GRAĐENJE** složene infrastrukturne građevine regionalnog vodovoda „Plava voda“ za vodosnabdijevanje opština: Travnik, Novi Travnik, Vitez, Busovača (Srednjobosanski kanton) i opštine Zenica (Zeničko-dobojski kanton).

2. Izgradnja složene infrastrukturne građevine regionalnog vodovoda „Plava voda“ izvodiće se po fazama, odnosno pojedinačnim tehnološkim cjelinama. Izdavanje odobrenja za građenje vršit će se prema sljedećem redosledu:

- LOT 1: Vodozahvat (izvorište Plava voda),
- LOT 2: Glavni cjevovod (I faza) Vodozahvat-Nova Bila (granica općina Vitez-Travnik),
- LOT 3: Glavni cjevovod (II faza) Nova Bila-Putovići (Zenica),
- LOT 4: Odvojak sa crpnom stanicom Dolac,
- LOT 5: Odvojak sa crpnom stanicom Nova Bila,
- LOT 6: Odvojak sa crpnom stanicom Novi Travnik,
- LOT 7: Odvojak Vitez
- LOT 8: Odvojak sa crpnom stanicom Busovača,

na zemljištu danim spiskovima određenih parcela (Srednjobosanskog kantona) i spiskova određenih parcela (Zeničko-dobojski kanton) nabrojane u tački 1. dispozitiva rješenja o urbanističkoj saglasnosti broj: UPI/03-23-2-1/12 od 07.05.2012. godine.

3. Prema ovom načelnom odobrenju za građenje, u skladu sa članom 61. stav 5. Zakona o prostornom planiranju i korištenju zemljišta na nivou Federacije BiH, može se pristupiti izvođenju sljedećih pripremnih radova:

- odstranjivanje grmlja i drveća (raščišćavanje lokacije)
- uklanjanje objekata od čvrstog materijala sa utovarom i prevozom na deponiju.

U skladu sa odredbama člana 62. stav 4. Zakona o prostornom planiranju i korištenju zemljišta na nivou Federacije BiH, prije pristupanja izvođenju pripremnih radova, investitor je za izvođenje pripremnih radova dužan pribaviti dokaz o pravu vlasništva iz člana 55. stav 1. tačka 3. predmetnog Zakona ili saglasnost vlasnika zemljišta.

Sastavni dio ovog odobrenja je Idejni projekat regionalnog sistema vodosnabdijevanja „Plava voda“ knjige 1 i 2 urađen od strane Instituta za hidrotehniku Građevinskog fakulteta

Univerziteta u Sarajevu, Juni 2010. godine, koji posjeduje ovlaštenje ovog Federalnog ministarstva za izradu projektne dokumentacije.

4. Na osnovu načelnog odobrenja za građenje može se pristupiti izvođenju pripremnih radova, ali se ne može pristupiti izvođenju radova iz tačke 2. dispozitiva ovog rješenja bez prethodno pribavljanog odobrenja za građenje za svaku pojedinačnu fazu.

5. Sve radove na izgradnji predmetne složene građevine treba izvesti prema dostavljenom Idejnom projektu. Radovi moraju biti izvedeni u skladu sa važećim tehničkim propisima, obaveznim standardima i normativima, kao i uvjetima datim u urbanističkoj saglasnosti, pridržavajući se posebnih uvjeta, saglasnosti i obaveza datih od strane odgovarajućih nadležnih organa i službi u postupku izdavanja urbanističke saglasnosti i načelnog odobrenja za građenje. Pri izvođenju radova pridržavati se svih mjera zaštite na radu, zaštite od požara i eksplozija i zaštite okoliša.

6. Gradilište će se osigurati i organizovati u skladu sa odredbama Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09, 75/09, 93/12 i 74/13).

7. U toku izvođenja pripremnih radova i istraživanja i ispitivanja terena investitor i izvođač radova trebaju ispoštovati sve posebne uvjete i mjere zaštite iz okolinske dozvole Federalnog ministarstva okoliša i turizma, te prikupljati podatke na način kako je to propisano zakonom i podzakonskim aktima.

8. U toku izvođenja radova investitor i izvođač radova dužni su ispoštovati sve uvjete iz prethodne vodne saglasnosti, date od strane Agencije za vodno područje rijeke Save, a prije pribavljanja odobrenja za građenje zatražiti vodnu saglasnost u skladu sa odredbama Zakona o vodama i Pravilnikom o sadržaju, obliku, uslovima, načinu izdavanja i čuvanja vodnih akata.

9. Investitor i izvođač radova dužni su ispoštovati uvjete iz svih saglasnosti i mišljenja pribavljenih u toku vođenja postupka za dobijanje urbanističke saglasnosti.

10. Investitor i izvođač radova su dužni da u slučaju kada se izvode radovi, a nađe se na nekretnine i pokretne stvari ili njihove ostatke, kao i dijelove prirode za koje se može pretpostaviti da imaju svojstvo dobra kulturno-historijskog ili prirodnog naslijeđa, obustave te radove i obavijeste nadležni zavod za zaštitu kulturnog, historijskog i prirodnog naslijeđa radi utvrđivanja odgovarajućih mjera zaštite tih nalaza.

11. U skladu sa članom 8. Pravilnika o geotehničkim istraživanjima i ispitivanjima te organizaciji i sadržaju misija geotehničkog inženjerstva („Službene novine Federacije BiH“, broj 60/09), investitor i izvođač radova u toku građenja paralelno treba da obavljaju misije geotehničkog istraživanja i u vezi s tim izrade geotehnički projekat za odobrenje za građenje.

12. Investitor i izvođač radova dužni su se pridržavati i ostalih obaveza koje proizilaze iz Zakona o prostornom planiranju i korištenju zemljišta na nivou Federacije BiH i drugih zakona i propisa koji reguliraju ovu izgradnju.

13. Investitor je dužan podnijeti zahtjev za izdavanje odobrenja za građenje pojedinih faza navedenih u ovom rješenju, u za to propisanom zakonskom roku. Načelno odobrenje za građenje za složenu građevinu, na osnovu kojeg se izdaju pojedinačna odobrenja za građenje, prestaje važiti u roku od pet godina od dana pravomoćnosti. Važenje načelnog odobrenja za



građenje za složenu građevinu može se produžiti za još dvije godine ako se nisu promijenili urbanistički uvjeti i ako je za najmanje jedan dio složene građevine izdato odobrenje za upotrebu.

14. Investitor je dužan Federalnom ministarstvu prostornog uređenja pisano prijaviti početak izvođenja pripremnih radova najkasnije u roku od osam dana prije početka radova.

15. Investitor i izvođač radova dužni su snositi troškove eventualne štete nanesene drugim fizičkim i pravnim licima koje nastanu u toku izvođenja pripremnih radova, a u skladu sa odredbama zakona koji to regulišu.

### Obrazloženje

Investitor JP RV „Plava voda“ d.o.o. Travnik, sa sjedištem u Zenjak bb Travnik, podnio je zahtjev ovom Federalnom ministarstvu dana 18.4.2014. godine za izdavanje načelnog odobrenja za građenje složene infrastrukturne građevine regionalnog vodovoda „Plava voda“ za vodosnabdijevanje opština: Travnik, Novi Travnik, Vitez, Busovača i opštine Zenica, na zemljištu danim spiskovima određenih parcela (Srednjobosanskog kantona) i spiskova određenih parcela (Zeničko-dobojski kanton) nabrojane u tački 1. dispozitiva rješenja o urbanističkoj saglasnosti broj: UPI/03-23-2-1/12 od 07.05.2012. godine.

Uz zahtjev je dostavljena sljedeća dokumentacija:

1. Rješenje Federalnog ministarstva prostornog uređenja kojim je data urbanistička saglasnost, broj UPI/03-23-2-1/12 od 07.05.2012. godine,
2. Rješenje Federalnog ministarstva prostornog uređenja kojim se produžava urbanistička saglasnost, broj UPI/03-23-2-1/12-1 ND od 23.05.2013. godine
3. Rješenje Federalnog ministarstva okoliša i turizma, broj: UP-I/05-23-435-6/10 SN od 10.10.2011. godine, kojim se JP RV „Plava voda“ d.o.o. Travnik daje okolinska dozvola za zahvat vode na izvoru „Plava voda“ i trasu transportnog vodovoda za vodosnabdijevanje općina: Travnik, Novi Travnik, Vitez, Busovača i Zenica,
4. Geodetsku podlogu složene građevine sa ucrtanom situacijom cjelokupne trase i redoslijedom izdavanja pojedinačnih odobrenja za građenje,
5. Načelna suglasnost BH-Gasa, broj: 01-1685 od 30.03.2012. godine,
6. Popis pripremnih radova koji će se izvoditi na osnovu načelnog odobrenja za građenje složene građevine,
7. Potvrda o usaglašenosti trase „Plava voda“ sa trasom brze ceste, izdata od strane JP Autoceste Federacije BiH, broj: 01-05.1.1.-795-116/12 S.I. od 23.04.2012. godine
8. Idejni projekat regionalnog sistema vodosnabdijevanja „Plava voda“ knjige 1 i 2 (3 primjera) urađen od strane Instituta za hidrotehniku Građevinskog fakulteta Univerziteta u Sarajevu, Juni 2010. godine,

Pregledom dokumentacije dostavljene uz zahtjev utvrđeno je da su ispunjeni uslovi za izdavanje načelnog odobrenja za građenje složene građevine, propisani članom 61. Zakona o prostornom planiranju i korištenju zemljišta na nivou Federacije BiH, te je doneseno rješenje kao u dispozitivu.

Načelno odobrenje za građenje složene građevine prestaje da važi protekom pet godina od dana pravomoćnosti.

Pouka o pravnom lijeku: Ovo rješenje je konačno i protiv njega nije dopuštena žalba, ali protiv ovog rješenja može se pokrenuti upravni spor podnošenjem tužbe kod Kantonalnog suda u Sarajevu u roku od 30 dana od dana prijema rješenja.

U skladu sa Zakonom o federalnim upravnim taksama i Tarifi federalnih upravnih taksi („Službene novine Federacije BiH”, br. 6/98, 8/00 i 43/13), tačka 1. tarifni broj 55a, podnosilac zahtjeva je uplatio 50,00 KM na ime izdavanja ovog rješenja.



mr. sc. *Desnica Radivojević*

Dostaviti:

- 1) Investitoru,
- 2) Ministarstvo prostornog uređenja, građenja, zaštite okolišta, povratka i stambenih poslova Srednjobosanskog kantona, ul. Prnjavor 16a Travnik,
- 3) Ministarstvu za prostorno uređenje, promet i komunikacije i zaštitu okoline Zeničko-dobojskog kantona, ul. Kučukovići br. 2 Zenica,
- 4) Federalnoj upravi za inspeksijske poslove, urbanističko-ekološka inspekcija,
- 5) U spis.